

富順縣志

二十年十月

李永成題

富順縣志卷之十五

藝文

經部

史部

子部

集部

漢隋唐宋史志藝文攷其紀載均列次篇目撮錄意旨而已馬端臨經籍考晁公武讀書志陳振孫書錄解題皆仿其意爲之而明楊慎撰全蜀藝文志則搜剔詩古文辭分類排纂啟志乘家捃摭篇什之例識者譏之以爲似選家之總集非作志之上裁富順人士通雅代作今茲所錄但取成書例仿四庫提要部分經史子集究其譏述志意所在理論所歸間及文

辭徵取眾說爲敘訂焉其有目無書亦并箸錄於以
稽著作之林徵一邦之獻志藝文

經部

史子集皆以時代先後爲次惟經爲眾郭依六藝部次但各經之中仍以譌述人時代序列

易樞十卷

宋李見撰玉海天禧二年七月戊寅富順監言李見撰
易樞十卷詔附驛以聞明曹學佺蜀中著作記曰江陽
李見讀易於神龜山著易樞五卷天禧中令附驛以聞
通志 本志有傳

周易解

無卷數

明晏鐸撰鐸字振之富順人

通志

本志有傳

周易象旨決錄七卷

明熊過撰過字叔仁號南沙富順人嘉靖己丑進士明史文苑傳附載陳東傳中稱過及陳東王慎中唐順之趙時春任瀚李開先呂高爲嘉靖八才子然過研思經訓實不止以文章名是書據過自序初名易象旨後遂加決錄之名案三輔決錄名始趙歧而命名之義古無傳說以意推之蓋定本之謂也自敘又稱初聞閩人蔡清善爲易購得其書惟開陳宗義不及象於是稍記疑

者爲贅言辛丑謫入滇晤楊愼勸成此書蓋初讀宋易
覺不合乃去而爲漢易故其說以象爲主考左傳韓起
適魯見易象春秋古人旣以象名知象爲易之本旨故
繫辭傳曰易者象也象也者像也王弼以下變而談理
陳搏以下變而言數所謂各明一義者也後人併而一
之概稱象數於是喜爲杳冥之說者併而埽之乃諱言
象數明人之易言數者入道家言理者入釋氏職是故
矣過作此書雖未能全復漢學而義必考古實勝友離
恍惚之談其據舊說以證今文者凡證字一百有一證

音三十有八證句二十有六證脫字七十有九證衍文三十證當移置者三十有二證舊以不誤爲誤者三所據之書如郭京之僞託舊本吳澄之妄改古經者概用引援不免輕信又如坤卦小象但知魏志之作初六履霜不知後漢書之實作履霜堅冰亦間有未審然皆據前文非由臆撰又但注某字據某書當作某亦不敢擅更一字猶屬謹嚴在明人易說之中固卓然翹楚矣

提要

本志有傳

大易統要

無卷數

明劉時俊撰時俊字勿所富順人萬曆戊戌進士

通志本

志有傳

易曲直綫圖二卷

清高子瑜撰子瑜字玉五富順人諸生督學張之洞評其書曰易圖兩卷大意用邵子六十四卦圓圖取所變之卦兩兩對舉一卷卽就此卦作兩點引作曲綫聯成半圓一卷就點引者直綫相接皆成正弦弧度各六十三圖其直綫相交成勾股形成圓中容方形曲綫相交成弧三角形直綫縱列橫列者成經度緯度視差廣狹

形直綫過心相交者成經度上下廣狹形直綫相壓者
成黃赤道交絡形曲綫大小圈層疊者成五星繞日爲
心本輪形皆與推步算數有合瑜又別著有天文條列
五緯大周合伏留退表及天文曆算諸篇

尙書翼註

無卷數

明郭孝懿撰孝懿字仁仲富順人崇禎間拔貢

通志
本志有

傳

詩經備考二十四卷

明韋調鼎撰調鼎字玉鉉富順人是編因鍾惺未成之

本增損成書以攻擊朱子集傳夫集傳排斥毛鄭固未必盡無遺議先儒亦互有異同然非鍾惺等所可置議也况又拾惺之餘緒乎

通志

本志有傳

家禮儀制

無卷數

明胡相撰相字良翰富順人成化癸酉舉人

通志

本志有傳

讀曾子問文王世子二篇

熊過撰

通志

禮表二卷附今古文尙書篇目表一卷

清陳崇哲撰崇哲字元叡一字愚生號子元光緒乙酉

舉人張世芳序略曰此表乃其家塾子弟習經之初元
叢錄令便覽者芳見其周通禮典綜括眾說悉而不蕪
詳而不碎雖出尋常撮錄即使夙儒研精亦不是過

傳

儀禮士喪虞器服釋證四卷

陳崇哲撰自序略曰旣遭夫故乃究喪儀討玩經記撰
爲斯篇旣自明其重悔更欲告之後來雖禮有俗宜未
容盡徂而慮周典備其可藉攄悲惋之心者不亦多乎
常用之數非喪所顓取便世用輒爲通釋弗敢畧也

饋食儀節一卷

陳崇哲撰是篇所著儀文器數一遵會典品官之制典所不及則採於經之可行俗之可仍者參酌成之

春秋明志錄十二卷

熊過撰

名已見前者不再著朝代後同

過有周易象旨決錄已著錄其

注周易頗不主先儒舊說此書亦多自出新意辨駁前

人於公羊穀梁及胡安國傳俱有所糾正而攻左傳者

尤甚如以邢遷於夷儀爲邢自遷非桓公遷之以城楚

邱爲魯備戎而城非桓公城以封衛以晉人執虞公爲

存於其國制之使不得他去而非執以歸以甯母之會
辭子華爲不實以洮盟謀王室爲誣說以用鄆子爲出
自邾人非宋公之命以晉懷公爲卓子之諡文公未嘗
殺子圉以趙盾並未使先蔑逆公子雍於秦以衛石惡
爲孫氏黨非甯氏黨以楚殺慶封非以罪討無負斧鉞
徇軍事俱不免鑿空立說又如以郭公爲鳥名謂如螟
蟻之類書以紀異以梁亡爲魯大夫會盟所聞歸而言
之頑由赴告故不著其亡之由亦多出於臆斷大抵務
黜三傳如程端學端學不過疑傳過乃至意造事蹟其

弊更甚於端學然端學多繳繞拘牽格格然不能自達
過則斷制分明紕繆者極其紕繆平允者亦極其平允
卓爾康春秋辨義謂其頗出新裁時多微中亦春秋之
警策者語固不誣故今糾其廢傳之失以彰炯戒而仍
不沒其所長焉

四庫提要

增注孝經一卷

晏鐸撰

通志

本志有傳

小學注

無卷數

晏鐸撰

通志

小學訓蒙真說

無卷數

明李龍撰龍字雲從富順人宣德丙午舉人

通志本志有傳

益部兩漢經師表一卷

益部先賢士女人物表一卷附

清宋琨撰琨字君西宋育仁之長女年二十五卒育仁

序略曰自班史言文翁倡其教相如爲之師蜀已比於

齊魯有若何武張騫楊厚馮緄之倫文武彪炳照耀史

冊鄉後學顧罕能稱之嗟乎今其衰矣原夫兩漢之學

術皆出於經師之所傳欲究學術之淵源故以兩漢經

師爲朔而古州遼瀋置郡華離今表吾鄉先賢以兩漢

史次及華陽國志爲徵則以漢置益州所統益部爲斷
先列兩漢經師表一篇并及季漢刺取本傳志文著其
授受所學與其著書更次分目人物爲益部士女先賢
表別爲一編仍依前例刺取傳志本文著其行之尤異
以訊鄉人儻有聞而興起者乎又序其遺文曰問琴閣
長女側室繡絲所出生於英倫時在使間攜繡姬自隨
雇洋女爲使婢婢累呼云魁英擺疊擺疊者洋語評小
孩也英文譯音魁英者譯義爲女皇或爲君也女者抑
猶雅言女公之例詞爲女王也問婢何故乃云其生與

維多利亞同日遂名之魁英及長命字取與名應字曰
君西魁英之合音爲琨易繙語爲文言名之以琨幼好
讀書時聞講貫如有悟入命試爲詩賦未之異也旣亡
其兩弟乃檢其遺墨有論三篇生時初未呈閱乃達理
而成章嗟乎怛化未見其止也敘而存之

史部

容臺議禮集

無卷數

明黃輔政撰輔政字顯忠富順人成化戊戌進士

敘州府志

本志有傳